

Misterio rond di posibel cumprado refinaria



ORANJESTAD - Prome minister Mike Eman no sa e nomber di e compania cu lo ta interesa den compra e refinaria for di Valero. Segun e prome mandatario di pais Aruba, tur otro interesado ta wordo referi na Valero pa e doño di e refinaria mes evalua nan oferta y negocia cu nan.

Les a detayenan riba pagina A4

Misterio rond di posibel cumprado refineria

ORANJESTAD — Prome minister Mike Eman no sa e nomber di e compania cu lo ta interesa den cumpra e refineria for di Valero. E ta bisa cu esaki y tur otro interesado ta wordo referi na Valero pa e doño di e refineria mes evalua nan oferta y negocia cu nan.

"Nos ta bisa tur interesado, tambe esunnan cu ta biniendo e dlanan aki cu nan tin cu acudi cerca Valero prome pa Valero como doño pero tambe como experto por duna gobierno di cone cu berdaderamente esaki ta un grupo cu tine e capacidad y e potencial pa por realisa un reapertura y un revitalisacion di e refineria", asina e mandatario ta duna di conoce reaccionando tambe riba e manifestesto cu Grupo 7 a entrega na su despacho siman pasa exigiendo entre otro pa gobi-

erno acudi cu e cumprado di cual ni nan ni e abogado cu ta representa e cumprado kier divulga e nomber. Prome minister Eman ta confirma cu un abogado berdad a acerca gobierno y cu a pone den contacto tambe cu Valero. Es mas, minister di Energia Mike de Meza lo a contacta Valero bisando cu lo bay sigui manda interesadonan cu ta acudi na porta di gobierno pa bay papia na San Antonio cu doñonan di curpa. E prome mandatario ta spli- ca cu net ora decisionnan importante mester cay pa e refineria, cada biaha tin un aumento di interes. Segun Eman tin awo dos of tres grupo cu ta kere cu nan lo por tuma e refineria over of a lo menos e area di transshipment.

No kier bisa nada
Siman pasa Bon Dia Aruba a publica cu abogado Gabri



de Hoogd kier a sinta negocia cu gobierno na nomber di e compania di cual e ta bisa cu e ta dispuesto pa fuera di paga loke mester pa tuma e refineria na San Nicolas over, pero tambe inverti 500 milyon dollar pa hacie viabel pa e tempo actual, pero cu gobierno lo no a dune respuesta. De Hoogd ni Grupo 7 kier a divulga nomber di e compania interesa. Grupo 7 sinem-

bargo ta papia di un compania Europeo cu ta dispone riba su propio petroleo pa refina. Abogado De Hoogd ta bisa cu e compania aki kier keda anonimo ainda pa por negocia trankilamente.

E ta bisa cu e no ta compromete pakico gobierno no kier sinta cu ne y ta puntra su mes si a acaso tin un agenda escondi. □